

Bosna i Hercegovina
Federacija Bosne i Hercegovine
Tuzlanski kanton
Općina Teočak
Služba za privredu, finansije, prostorno
uređenje i civilnu zaštitu
Broj: 04-23-1209-2/19
Teočak, 02.10.2019.godine

Na osnovu člana 7. i člana 8. Odluke o privremenom korištenju javnih površina (S. bilten općine Teočak broj 2/2010) i Programa utvrđivanja lokacija za privremeno zauzimanje javnih površina, Služba za privredu, finansije, prostorno uređenje i civilnu zaštitu općine Teočak o b j a v l j u j e:

J A V N I O G L A S

za privremenu dodjelu javnih površina radi postavljanja i otvaranja montažnih objekata tipa „KIOSK“ u užem centru općine Teočak

Pozivaju se zainteresovana pravna i fizička lica da podnesu prijavu za učešće na Javni oglas za privremeno zauzimanje javnih površina u svrhu postavljanja privremenih objekata tipa „KIOSK“ na slijedeće lokacije kako slijedi.

Lokacija 1.

Lokacija ispred bivše samoposluge do poslovnog objekta u vlasništvu Mujagić Nedžada, na parceli označenoj kao KČ broj 6312/3 upisana u PL broj 489 KO Teočak površine od 9.90 m².

Lokacija 2.

Lokacija kod zgrade općine Teočak (pod lipom), na parceli označenoj kao KČ broj 6311/1 upisana u PL broj 489 KO Teočak površine 10.00 m².

Lokacija 3.

Lokacija ispred zgrade pošte Teočak, na početku zgrade pošte gledajući iz pravca zgrade općine prema Bilalićima, na parceli označenoj kao KČ broj 6329/1 upisana u PL broj 489 KO Teočak, površine 8.00 m².

Lokacija 4.

Lokacija preko puta zgrade pošte Teočak, na parceli označenoj kao KČ broj 6299, upisana u PL broj 489 KO Teočak. 3 (tri) lokacije površine po 10 m².

Javna površina bit će dodijeljena na privremeno korištenje samo za namjenu utvrđene ovim Javnim oglasom na period od 1 (jedne) godine, a u skladu sa Odlukom o privremenom korištenju javnih površina i visini naknada (SL. bilten općine Teočak broj 2/2010).

Javna površina odobrit će se na privremeno korištenje onom licu koje ponudi najveći iznos naknade po 1 m². Početna cijena 1 m² iznosi 2,00 KM mjesečno.

U slučaju da se na oglas javi samo jedan ponuđač za određenu lokaciju i ponudi na početnu vrijednost ili veću cijenu predsjednik komisije ga proglašava pobjednikom licitacije za tu lokaciju.

Ako se za istu lokaciju prijavi 2 (dva) ili više ponuđača sa istom cijenom koja je ujedno i najviša cijena ponude, isti ponuđači mogu usmeno povećati cijenu, u toku licitacije, a usmeno nadmetanje trajat će maksimalno 30 minuta po svakoj licitaciji od momenta davanja instrukcija od strane predsjednika komisije.

Ukoliko ne žele povećati cijenu usmenim nadmetanjem, komisija će proglasiti pobjednika ponuđača koji je ranije dostavio ponudu po datumu i vremenu prijemnog štembilja službe protokola.

Postupak javnog nadmetanja u skladu sa Odlukom o privremenom korištenju javnih površina i visini naknade (Sl. bilten općine Teočak broj 2/2010) i Programa lokacija za zauzimanje javnih površina za postavljanje kioska broj: 02-23-1209-1/19 od 30.09.2019.godine sprovede komisija koju je imenovao Općinski načelnik.

Prijave na javni oglas se podnose u roku od 8 (osam) dana računajući od dana isticanja na oglasnoj ploči općine Teočak i web stranici općine Teočak, a isti će se objaviti i na RTV“Glas Drine“ Sapna.

Ponuda mora da sadrži:

- pismenu prijavu sa imenom i prezimenom odnosno nazivom firme, adresom i kontakt telefon podnosioca,
- naziv, odnosno broj lokacije za koju se licitira ,
- aktuelni izvod iz sudskog registra za pravna lica (original ili ovjerena kopija)
- odobrenje za rad ili potvrdu da je podnesen zahtjev za izdavanja odobrenja za obavljanje djelatnosti za fizičko lice (original ili ovjerena kopija),
- uvjerenje o poreznoj registraciji – ID broj (original ili ovjerena kopija),
- uvjerenje od nadležne općinske službe za finansije o izmirenim obavezama prema istim ne starija od 3 (tri) mjeseca (original ili ovjerena kopija) u slučaju da su ponuđači u ranijem periodu zauzimali ili koristili javnu površinu,
- potpisana i ovjerena izjava o načinu i roku uklanjanja objekta sa javne površine a koja je propisana članom 6. Programa lokacija za zauzimanje javnih površina za postavljanje „KIOSKA“,
- ponuda se može dostaviti za jednu i više lokacija,

Ponuda se dostavlja u zatvorenoj koverti na adresu Općina Teočak, Centar bb, 75 414 Teočak ili na protokol općine Teočak (šalter broj 5) sa naznakom „NE OTVARAJ“ – Ponuda za dodjelu javne površine putem licitacije.

Ponude dostaviti najkasnije do 11.10.2019.godine do 11,00 sati.

Javno otvaranje ponuda uz prisustvo zainteresovanih ponuđača će se obaviti dana 11.10.2019.godine sa početkom u 11,30 sati u zgradi općine Teočak- sala za sastanke.

Nepotpune i neblagovremene prijave se neće uzeti u razmatranje.

Sve dodatne informacije u vezi Javnog oglasa za privremenu dodjelu javnih površina radi postavljanja i otvaranja montažnog objekta tipa „KIOSK“ mogu se dobiti na telefon broj 035/755 886, kontakt osoba Muhamed Čajlaković.

Šef službe

Amir Šabačkić, dipl. inž.el.